



Staten van Aruba

STATEN VAN ARUBA

Ingek: 21 JAN 2022

Volgnr: IS/451/21-22

Na Presidente di Parlamento di Aruba
Dhr. mr. E.G.A. Vrolijk
L.G. Smith Blvd. 72
Oranjestad,
Aruba

Oranjestad, 21 januari 2021

Pa medio di es carta suscrito kier a pidi Senjor Presidente pa dirigi e preguntanan adhunto na Ministro di Finanzas, Economia y Cultura sra. mr. Xiomara Maduro relaciona cu Ley di overbruggingsuitkering.

Suscrito ta desea di ricibi un contesta por escrito riba su preguntanan.

Gradiciendo di antemano pa e cooperacion, suscrito ta keda,

Atentamente,

drs. Marisol J. Lopez-Tromp
Lider di Fraccion M.A.S.



Staten van Aruba
Lider di Fraccion M.A.S.
drs. Marisol J. Lopez-Tromp

Preguntanan por escrito di miembro di Parlamento, sra. drs. Marisol J. Lopez-Tromp, na Minister di Finanzas, Economía y Cultura sra. mr. Xiomara Maduro conforme articulo III.17 di Staatsregeling y conforme artikel 59 di Reglement van Orde van de Staten van Aruba.

Recientemente Parlamento a ricibi for di Gobierno un concepto di ley pa cambio den e ley di overbruggingstoelage "Landsverordening tot wijziging van de landsverordening voorzieningen gewezen politieke ambtsdragers en hun nabestaanden (AB 2010 no. 91) (ZJ 2021-2022-967)" caminda Gobierno ta propone pa cambia e ley di overbruggingstoelage pa ex-politiconan wordo paga desde e fecha cu ta e ultimo dia di trabou di e ex-politiconan y pa colmo cu "forza retroactivo" pa e 13 parlamentarionan cu desde 8 juli 2021 no t'ey mas den Parlamento y e 3 Ministernan cu desde 20 september 2021 no ta Minister mas.

1. Kico ta e urgencia di Gobierno pa bin cu e cambio di ley existente cu ta regla overbruggingstoelage y cu forza retroactivo pa e politiconan cu a retira den 2021?
2. Ministro por splica Parlamento kico ta e motibo(nan) cu Gobierno kier pa cambia e ley aki pa e situacion specifico di aña pasa 2021 y no pa tur e otro ex-Miembronan di Parlamento y ex-Ministronan cu a pasa den e mesun situacion?
3. Minister di Finanzas y Departamento di Finanzas por informa Parlamento si e pagonan efectua na e ex-politiconan aki tabata segun cu e Ley actual ta stipula?
4. Ministro por informa Parlamento cu contrario na e Ley actual, si e pagonan a ser efectua desde e dia cu ex-politiconan aki a retira for di nan funcion, esta pa e ex-parlamentarionan dia 8 di juli 2021 y pa e ex-ministronan dia 20 di september 2021? Of si e tabata segun e Ley actual, cu ta efectua pago desde e luna siguiente?

5. Desde ki fecha exacto Minister di Finanzas y Departamento di Finanzas a pone cu e overbruggingstoelage di e ex-parlamentarionan y ex-ministernan cu a retira den 2021, mester a wordu paga?

6. Minister di Finanzas y Departamento di Finanzas por asegura Parlamento cu Gobierno a cumpli cu e ley cu ta regla e overbruggingstoelage exacto manera cu ley ta stipula actualmente?

7. Minister di Finanzas por informa Parlamento ken a duna e aprobacion na Departamento di Finanzas pa paga overbruggingstoelages na juli 2021 na e ex-parlamentarionan y na september 2021 na e ex-Ministronan ?

8. Riba cual post esakinan a wordo geboekt y cual ta e base legal cu Minister di Finanzas a uza pa duna ordo pa efectua e pagonan aki?

9. Ministro di Finanzas por splica detayadamente pakiko kier pa paga e overbruggingsuitkering aki cu forsa retroactivo?

Sperando di por ricibi contesta por escrito riba su preguntanan pa trece claridad.

Atentamente,



drs. Marisol J. Lopez-Tromp
Lider Fraccion M.A.S.